

# DIBAKA TSE IKGETHANG TSA IKONOMI (SEZ)

## Ke sefe se Setjha?

- **21 Hlakola 2018 - Tsebisano ya Ditekanyetso tsa 2018**  
Letona la Ditjhelete le tla tjhaela monwana dibaka tse tshelela tse ikgethang tsa ikonomi molemong wa kimollo ya lekgetho. Lesedi le leng le tla fumaneha hamoraonyana.

## Dibaka tse ikgethang tsa ikonomi (SEZs) ke eng?

Dibaka tse Ikgethang tsa Ikonomi (SEZ) ke dibaka tse kgethilweng naheng tse behetsweng ka thoko bakeng sa diketsahalo tse itseng tsa ikonomi ka ho kgetheha ho phahamisa kgolo ya ikonomi ya naha le thomellontle ka ho sebedisa mehato ya ho hohela botsetedi ba matjhaba le ba lapeng mmoho le theknoloji.

Mekgahlelo ya SEZ e ka tsebiswang jwalo ke [Letona la Kgwebisano le Indasteri](#) e ka akaretsa:

- Boemelakepe ba mahala;
- Dibaka tsa Kgwebisano ya Mahala (FTZs);
- Dibaka tsa Ntshetsopele ya Indasteri (IDZs); le
- Dibaka tsa Ntshetsopele ya Lekala (SDZs);

## Diphetoho tsa jwale tsa di-IDZ

Ho latela dintlha tsa diphelelo tsa diphetoho tsa Karolo ya 39 ya Molao wa SEZ, 2014, di-IDZ tsohle tse ntseng di sebetsa pele ho la 9 Hlakola 2016 ka molao di tla fetoha ho ba di SEZ. Mosebedisi ofe kapa ofe wa jwale wa IDZ o tlameha ho netefatsa hore IDZ e ikobela moralo wa tshebetso o laolang di-SEZ ho latela dintlha tsa Molao wa SEZ, 2014, ho eso fete dilemo tse tharo (3) ka mora ho qala ha Molao wa SEZ, 2014.

## Dibaka tse tlasa taolo ya Bolaodi ba Meedi

SEZ kapa karolo efe kapa efe ya yona e ka hlwauwa e le sebaka se taolong ya Bolaodi ba Meedi. Ho ka nna ha ba le dibaka tse fetang (1) tse tlasa taolo ya Bolaodi ba Meedi ka hara SEZ e le nngwe. Dibaka tsena di laolwa ke Bolaodi ba Meedi mabapi le diketsahalo tse hloakang ngodiso kapa laesense ho latela dintlha tsa Molao wa Bolaodi ba Meedi, 1964. Ke feela dibaka tseo diketsahalo tsena di etsahalang ho tsona di tlang ho ba taolong ya Bolaodi ba Meedi. Dikgwebo tse taolong ya Bolaodi ba Meedi ke dibaka tseo ka dinako tsohle di leng ka hara sebaka sa taolo sa Bolaodi ba Meedi moo diketsahalo tse hloakang ngodiso kapa laesense ya Bolaodi ba Meedi di etswang le ho laolwa ke Bolaodi ba Meedi.

## Ngodiso ya SEZ le ho fumantshwa laesense ha Dikgwebo tsa SEZ

Ho fumana tse ngata mabapi le ngodiso ya SEZ kapa ho fumantshwa ha yona laesense ya sebaka sa Kgwebo se laolang ke Bolaodi ba Meedi, [tobetsa mona](#).

## Diphelelo tsa nyehlisetso

- Dithoto tsa mofuta ofe kapa ofe tse tswang kante ho naha tse ngodisitsweng ke Kgwebo e taolong ya Bolaodi ba Meedi di ka fumanwa kante ho naha tlasa nyehlisetso ya 498.01.
- Dithoto tsa mofuta ofe kapa ofe tse tswang kante ho naha tse ngodisitsweng ke Mosebedisi wa SEZ ho etsa tsa kaho le tlhokomelo ya meralo ya motheo ya ditshebeletso e tlasa taolo ya Bolaodi ba Meedi ka hara SEZ di ka fumanwa kante ho naha tlasa nyehlisetso ya 498.02. Meralo ya motheo ya ditshebeletso e na le moedi wa tseo e leng tsa motheo tse lokelang ho hlongwa ho ya ho ile sebakeng se taolong ya Bolaodi ba Meedi, mohlala: tsa tsamaiso ya dikgwerekgwere, motlakase, mebila, marokgo le meaho.
- Dithoto di ka kenngwa tlasa nyehlisetso efe kapa efe ya Sejule ya 3 ke sebaka sa Kgwebo se taolong ya Bolaodi ba Meedi jwalokaha ho lohothwa molaong wa 21A.01 le ho ngodiswa ho latela seo, ha feela e le hore:
  - Sebaka sa Kgwebo se taolong ya Bolaodi ba Meedi se ikobela:
    - Dintlha dife kapa dife tsa ntho eo;
    - Dintlha tsa Sejule ya 3; le
    - Karolo ya 75; le

- VAT e leshwa hodima dithoto tse tswang kante ho naha tsa Kgwebo e taolong ya Bolaodi ba Meedi tlasa ntho efe kapa efe Sejuleng ya 3. Ho tsebahatsa dithoto le ditshebeletso tse entsweng, o ka tlatsa foromo ya [VAT267 - Declaration in respect of supply of goods or services to or from a CCA or an SEZ - External \(Form\)](#) kapa ho fumana lesedi le fetang lena, sheba [leqephe la web la VAT](#).